



Inatsisartunut ilaasortaq, Laura Táunâjik, Siumut

**Kalaallit Nunaata kujataani umiarsuarmut tunitsivimmum tunngatillugu § 37  
naapertorlugu apeqquteqaammum nr. 203, 2017-imeersumum akissut.**

31-08-2017  
Sagsnr. 2016 - 20220

Inatsisartut suleriaasiat § 37 naapertorlugu apeqqutinik imaattunik saqqum-  
miussaqaarsimavutit:

Postboks 1601  
3900 Nuuk  
Tlf. (+299) 34 50 00  
E-mail: isiin@nanoq.gl  
www.naalakkersuisut.gl

1. Ilumoorpa kujataani puisit amiinik tunitsivissamik puttasumik  
pileraarusiortoqaarnissaa aallartisaleruttortoq?

Akissut:

Inuussutissarsiornermut, Suliffeqarnermut, Niuernermut Nukissiuuteqarnermullu  
Naalakkersuisoqarfik Kalaallit Nunaata Ammerivianit ilisimatinneqarpoq  
piffissami 4. - 20. august 2017 nunatta kujataani tunitsivimmik umiarsuaali-  
soqaarsimasoq. Tunitsivimmik umiarsuaaliineq Kalaallit Nunaata Ammerivianit  
misiliutitut aqqissuunneqaarsimavoq.

Kalaallit Nunaata Ammeriviata Naalakkersuisoqarfimmum aqqissuussineq  
nalilersorneqassasoq ilisimatitsissutigaa, taamaattorli ingerlatseqatigiiffiup  
naatsorsuutiginnikkaa aqqissuussineq maanna aqqissuussinertut ittumik  
ukiumi tullermi ingerlateqqinneqassasoq. Ilanngullugulu Kalaallit Nunaata  
Ammeriviata ilisimatitsissutigaa, umiarsuaq tunitsivik Kalaallit Nunaata  
Kujataani inissinneqaarsimasoq nalinginnaasumik ileqquummat puisit amii  
amerlanerpaat aasaanerani taqqavani tunineqartarmata.

2. Qaqortumi Great Greenland puisit amiinik amigartoortalersimanera qanoq  
ilumoortigiva? Aamma qanoq amigaattoorneq maannamut annertutigiva?

Akissut:

Kalaallit Nunaata Ammeriviara tamatumunnga atatillugu ilisimatitsissutigaa  
amernik pissarsiarineqaarsinnaasuniit qaffasinnerusunik pitsaassusilinnik  
niuerfimmu pisiumasoqartartoq. Ingerlatsivik naapertorlugu ammit  
toqqorsivimmiittuutigineqartut ilaat amerlasuut naammaginangitsumik  
pitsaassuseqartut, tamatumuunala atorsinnaassusiat aamma tunineqarnerminni  
akigisinnaasaat killilingaatsiarlugu.

Kalaallit Nunaata Ameriviani taamaasillu piffissami matumani puisit amii pitsaanngitsut amerlavallaartut uninngasuutigai. Puisit amii pitsaanerusuuppata amerlanerusut tunineqarsinnaasassagaluartut ingerlatseqatigiiffiup ilimagaa.

3. Sooq nunarput tamaat eqqarsaatigalugu allatut eqqarsarluni pilersarusiortoqarsinnaanngila assersuutigalugu puisip amia akitsorlugu piniartut tunisisinnaalersillugit?

Akissut:

Kalaallit Nunaata Ammeriviata tamatumunnga imaattut Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoqarfimmut ilisimatitsissutigai:

*”Ammit akii taamaasillutik aalajangersarneqartarput KNAPK-ip, Kalaallit Nunaata Ammeriviata aamma Namminersorlutik Oqartussat paaseqatigiissutigisaannik, kiffartuussinermut isumaqatigiissusiortoqaraangat KNAPK-lu. Kiffartuussinermut isumaqatigiissut decembarimi isumaqatigiissutigineqarajuttarpoq. Amit akiinik tulliani aalajangersaasinnaaneq taamaasilluni pissaaq 2018-imut tunngatillugu kiffartuussinermut isumaqatigiissusiornermi”.*

4. Tunitsivissaq puttasooq aningaasanik qanoq naleqarpa?

Akissut:

Kalaallit Nunaata Ammeriviata imaattut Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoqarfimmut ilisimatitsissutigai:

*“Tunitsivimmik umiarsualiineq Kalaallit Nunaata Ammerivianit nammineq isumagineqarsimavoq. Kalaallit Nunaata Ammerivia periarfissanik akinillu isumaqatigiinniarsimavoq, ingerlatseqatigiiffiullu imminut piginnaatitsissutigaa taakkununnga paasissutissat saqqummiutinnginnissat, taamaaliornerup ingerlatseqatigiiffiup siunissami niuerneramik tunngavilimmik periarfissaanik killilersuisinnaammat”.*

Inussiarnersumik inuulluaqqusillunga

Med venlig hilsen

  
Hans Enoksen